



ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՅԱՆՎԵՐՈՒ ԱՐԵՄՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: Prelacy@aol.com Website: www.westernprelacy.org



ԱՌԱՋՆՈՐԴ ՍՐԲԱՉԱՆԸ ԱՆԴՐԱՆԻԿ ԱՅՑԵԼՈՒԹԻՒՆ ՏՈՒՄ ԼՈՍ ԱՆՃԵԼԵՍԻ ԻՐԱՆԱՅԱՅ ՄԻՈՒԹԵԱՆ ՆՈՐԱԿԱՌՈՅՑ ԿԵԴՐՈՆՆԻՆ

Անցնող շաբաթասկիզբին, Ազգային Առաջնորդարան այցելեցին Լոս Անճելըսի Իրանահայ Միութեան Կեդրոնական Վարչութեան ներկայացուցիչները, որոնք յայտնեցին Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեանին, թէ միութեան նորակերտ կեդրոնին շինարարական աշխատանքները կը մօտենան իրենց աւարտին, ու հրաւիրեցին, որ Առաջնորդ Սրբազանն ու Ազգ. վարչութեան անդամներ այցելեն նոր շէնքը:

Այս հրաւերին ընդառաջելով, Չորեքշաբթի, 25 Օգոստոսի առաւօտուն, Առաջնորդ Սրբազան Հայրը պաշտօնական այցելութիւն մը տուաւ նորակառոյց կեդրոնը, մօտէն ծանօթանալու եւ ականատես դառնալու համար տարուող աշխատանքներուն եւ իր օրհնութիւնը բաշխելու: Առաջնորդ Սրբազան Հօր կ'ընկերանային Ազգ. Առաջնորդարանի Զրիստոնեական Դաստիարակութեան բաժանմունքի վարիչներէն՝ Հոգշ. Տ. Պարթեւ Վրդ. Կիլիկեան, Ս. Աստուածածին Եկեղեցւոյ հովիւներէն՝ Արժ. Տ. Կոմիտաս Զինյ. Թորոսեան, Ազգային Վարչութեան ատենապետուհի Տիկին Ռիմա Պողոսեան, գանձապահ՝ Տիար Թորոս Զեչեճեան եւ անդամներ՝ Տեարք Լեւոն Կիրակոսեան եւ Կարէն Բենեասեան:

Առաջնորդ Սրբազան Հայրը նորակառոյց կեդրոնի մուտքին դիմաւորեցին Կեդրոնական Վարչութեան ատենապետուհին՝ Տիկին Պերճուհի Ղեւեան, եւ Իրանահայ Միութեան Խնամակալ Մարմինի նախագահ՝ Տոքթ. Վահան Գրեգոր եւ Կեդրոնական Վարչութեան անդամները:

Առաջնորդ Սրբազան Հայրը նախ կատարեց նորակերտ Կեդրոնի օրհնութեան արարողութիւնը, ապա աղօթեց ու մաղթեց, որ Ամենաբարին Աստուած ինք իր առաջնորդութեամբ բարուք աւարտին հասցնէ այս կառոյցին շինութիւնը, եւ օրհնէ բոլոր երախտաւորներուն կեանքերը: Առաջնորդ Սրբազանը նաեւ Ազգ. Առաջնորդարանի Մատուռը պատկերող յուշանուէր մը յանձնեց Կեդրոնական Վարչութեան ատենապետուհիին:

Կեդրոնական Վարչութեան անդամները ընդհանուր գիծերու մէջ Առաջնորդ Սրբազանին ներկայացուցին իրենց աշխատանքի դաշտերն ու

անմիջական ծրագիրները, եւ մօտէն ծանօթացուցին կառոյցին ներքին բաժանմունքները:

Առաջնորդ Սրբազանը բարձր գնահատեց Իրանահայ Միութեան տարած գործունեութիւնը, մանաւանդ հայկական ականներուն անոնց հաւատարմութիւնն ու հայկական արժէքներու պահպանման նախանձախնդրութիւնը, օրհնեց իրենց աշխատանքը եւ բարի երթ մաղթեց վարչութեան եւ գործակիցներուն:

Ապա տեղի ունեցաւ պատշաճ հիւրասիրութիւն, որուն ընթացքին ողջոյնի, շնորհակալական ու երախտագիտական խօսքեր արտասանեցին Իրանահայ Միութեան Կեդրոնական Վարչութեան ատենապետուհին՝ Տիկին Պերճուհի Ղեւեան, ինամակալութեան անդամներ՝ Տոքթ. Վահան Գրեգորն ու Թոմիկ Ալեքսանեանը: Անոնք ողջունեցին Առաջնորդ Սրբազանին ու Ազգ. Վարչութեան անդամներու ներկայութիւնը, հակիրճ կերպով անդրադառնալով միութեան գործունեութեան մասին: Ազգային Վարչութեան անունով շնորհաւորանքի խօսք արտասանեց ատենապետուհի Տիկին Ռիմա Պօղոսեան, որ գնահատանքով ու դրուատիքով արտայայտուեցաւ այս միութեան գործին ու նուիրեալներուն մասին: Աւարտին, Առաջնորդ Սրբազանը անգամ մը եւս ողջունեց միութեան անդամներն ու գործակիցները, շեշտելով՝ թէ Իրանահայ Միութիւնը միշտ ալ եղած է Մեծի Տանն Կիլիկիոյ Կաթողիկոսութեան գուրգուրանքին ու ինամքին առարկան, իսկ Ազգ. Առաջնորդարանին հետ անոր կապերը եղած են սերտ ու ջերմ: Առաջնորդ Սրբազանը անգամ մը եւս Ազգ. Առաջնորդարանի գօրակցութիւնը յայտնեց Իրանահայ Միութեան, եւ մաղթեց, որ գործակցութիւնը շարունակուի անելի սերտ կերպով:

PRELATE VISITS NEW CENTER OF THE ARMENIAN SOCIETY OF LOS ANGELES

On Wednesday, August 25th, 2010, H.E. Archbishop Moushegh Mardirossian visited the new center of the Armenian Society of Los Angeles to view the progress of the project and convey his blessings. The invitation to visit the center was extended to the Prelate by members of the Armenian Society of Los Angeles during their visit to the Prelacy a week earlier.

The Prelate was accompanied by Very Rev. Fr. Barhev Gulumian, Rev. Fr. Gomidas Torossian, Executive Council Chair Mrs. Rima Boghossian, and Executive Council members Mr. Toros Kejejian, Mr. Levon Kirakosian, and Mr. Kahren Beniasian.

Upon their arrival, the Prelate and delegation were greeted by the Society's Board of Directors Chair Mrs. Berjouhi Ghevian, Board of Trustees Chair Dr. Vaughn Gregor, and members.

The Prelate blessed the new center, praying for the Lord to guide the project to its completion, and presented Mrs. Ghevian with a memento depicting the Prelacy Chapel.

The members of the Society then gave the Prelate and guests a tour of the building, familiarizing them with the departments that will comprise the new center.

The Prelate conveyed his well wishes to the members, commending their dedication and service to the Armenian community and wishing them success in this project and future endeavors.

During the reception that followed, remarks were delivered by Mrs. Ghevian, Dr. Gregor, and Board of Trustees member Mr. Tomik Alexanian. On behalf of the Prelacy Executive Council, Chairlady Mrs. Rima Boghossian congratulated the organization on their new center, and commended the mission of the Society as well as the dedication of the members to that mission. In his concluding remarks, the Prelate once again congratulated the organization's members on their successes, and noting that the Armenian Society of Los Angeles has had a long history of collaboration with the Catholicosate of Cilicia and the Western Prelacy, expressed the ongoing support of the Prelacy in their mission.